

FAAMATALAGA E UIGA ILE AUMALAGA A LEOLEO SAMOA MO AUSETALIA 2015

1. SUPERINTENDENT- **NAFO'ITOA ALESANA LAKI**- Mai le nuu o Safotu ile aiga o 'U'una poo le Fidow family. O lona tina o Uefa ao lona tama o Nafotoa Laki o Fagamalo. Ua suafa matai nei ia Nafotoa, faaipoipo atu ia Sesiona o Safotu ma e toa 4 le fanau ae o loo aumau uma nei I latou uma I Niusila. O se tama tuai ole aoga a Chanel Collega. Ua 32 Tausaga o le auauunaga ile matagaluega ma o loo avea nei ma Taitai ole Faaili a Leoleo Samoa. O loo nofo nei I Moamoa Fou latalata ile pitonuu ole Tofa ia Manogiamanu Etuale loane lea o loo avea nei ma Konesula I Samoa I Sini Australia nei...O ia ose faiaoga I Afaipese a le Ekalesia Katoliko ma e fiafia tele ile lotu ae faaiu a mea uma ile Vailima.
2. INSPECTOR- **Sala Opetaiia Lauina**- Mai le afioaga o Saoluafata, ua faaipoipo atu ia Faatupu o Tanugamanono ma e toa 2 le fanau. Mo I latou sa Leoleo ile vaitaimi ole 1970---1980, o Opetaiia ole uso laititi ole susuga ia Malo Faamao lea foi sa faigaluega I le Ofisa lava lenei. O se Failauga ile ekalesia Metotisi ma o loo avea nei ma sui Taitai Faaili a Leoleo.
3. SERGEANT- **Muao Seiuli**- Mai le afioaga o Nofolii, Leulumoega, ua faaipoipo atu ia Tiresa ose tamaitai Leone I Amerika Samoa ma e nofo a ia I lona atunuu ae nofo foi le tama Upolu I lona atunuu. Ose tagata e fiafia ile Lakapi, sa filifilia foi I tausaga ua mavae I Training squad a le Manu Samoa ma oloo faiaoga nei ile au lakapi a Nofolii. Ua ova ma le 27 Tausaga o lana auauunaga I le Faaili a Leoleo. Ua faaeeina iai le suafa Tanuvasa ole Matai I lona aiga I Nofolii.
4. SERGEANT- **Tavita Tunupopo**- Mai le afioaga o Vaiala. Ole alo o Patu Ativalu lea sa avea foi ma Leoleo ona Litaeta lea ma avea ma faipule ole Itumalo o Vaimauga I Sasae mai le 2000 ile 2005, 2007---2011. O lona Tina o Faga mai Solosolo, ua faaipoipo atu ia Faalagilagi o Vaiala ma e toa 3 le fanau.
5. CORPORAL **Avei Avei**- mai le nuu o Afega, ua faaipoipo atu ia Talosaga Samau Tialia o Fagalii ma e toa tasi lo la alo tamaitai. O se tama Tuai ma sa Prefect ile 1994 i Chanel College. O ia ole Drum major (Lea e Taitaia le Faaili pe a Savali)

6. **CONSTABLE- Tavita Tanielu-** Mai le afioaga o Sili I Savaii ma Faleseela-tai I Lefaga. Ua faaipoipo atu ile Tamaitai o Mena ose alo faasino ia Sagote Vitale ma Losivale o Leauvaa ma e toa 3 le fanau. O Tavita o ia lea ole Leoleo pito I Sinia o Leoleo uma o iai nei I Samoa. Ua sili atu ile 24 Tausaga olana auaunaga ile Faaili a Leoleo. O Tavita e mai le Ekalesia LMS ae talu ai o lana taleni faamusika, ua tele ai ina faaaoga ma Amiami atu e le Ekalesia Katoliko I nisi o ana sauniga lotu tetele sa faia I Samoa. O se tagata e fiafia tele ile Musika ma e tulaga ese lona faamaoni pe a tofia e galue ise galuega, ile fai mae'ae'a lelei lava e aunoa ma se faamoemoe I le fesoasoani mai o se isi tagata ia te ia. E faapea foi pe a alu osofaiga a Leoleo I galuega tetele e ono lamatia ai le soifua ole Matagaluega, e le vaaia sona foliga fefe me atuatuvaile foi ise mea ae faamoemoe a mea uma I lona talitonuga , e le tuulafoaina e le Atua I tatou I taimi o faigata ma puapuaga.
7. **CONSTABLE- Waikiki Laufili-** Mai le Afioaga o Afega poo le Laumua o Tumua & Saleimoa. Ua faaipoipo atu ia Susi Leaupepe o Fasitoo-uta ma ua faamanuiaina ile fanau e toa 2. Ua faasuafaina I lona aiga I Saleimoa ile suafa Laufili ae faasuafaina I Afega ile Manu'avai'a. Ua 15 tausaga ole auaunaga ile Faaili a Leoleo.
8. **CONSTABLE- Filipino Lesa-** Mai le nuu o Vailele poo Lepea. Ua faaipoipo atu ia Sofarania ose tamaitai mai le Aiga o Soi I Satalo Falealili ma ua faamanuiaina ile fanau e toa 4 . O Filipino oloo avea nei ma faiaoga I LE Matagaluega o Leoleo I mea tau Aikido poo le Ituaiga o Karate fou lea e masani ona faatinoina e Steven Seagal (NICO) I ona ata Tifaga ma e uiga ese foi le vave ma le aoga o lenei foi ituaiga o taaloga ile galuega Faaleoleo. O loo ia Taitaiina le vaega a Clarinet ma ua atoa nei le 16 o tausaga o lana auaunaga ile Matagaluega.
9. **CONSTABLE- Etuale Maiava-** E mai le afioaga o Satoalepai ma Fagae'e I Savaii. Ua suafa Matai ia Polataivao I Fagae'e, ua faaipoipo atu ia Ana Taliva'a Niko Crawley ma Iulia o Vaiusu faamanuiaina I lo la alo e toatasi. Ua 8 nei tausaga o lana auaunaga ile Ofisa o Leoleo I Samoa.
10. **CONSTABLE- Siaosi Sauvao-** Mai le Afioaga o Faleasiu, ua faaipoipo atu ia Alosia le alo Kelemete Ligilolo ma Tuiolo o Safotu Savaii. O Alosia o se tamaitai mai le aiga o Ligilolo I Safotu ma e toa 5 le la fanau. Ose

faifaatoaga iloga foi I le atunuu ona e nofo I uta ile ala faalava lea e ui atu I Aleisa ma e na o tagata faifaatoaga e fiafia e nofoia lea vaega o Upolu. Ua 12 tausaga o lana auunaga ile Faaila a Leoleo. O le susuga ia Siasosi o se tagata e fiafia ile vaega o lona toalua ma le fanau ui lava ina mamao le nofoaga e tausavali mai ai I taeao ma Sia ma Tamaiti, ae faigofie mea uma ona ole alofa faamaoni I lona aiga.

11. CONSTABLE- **Vevesi Soia**- Ose tane o Salailua I Savaii, Ose alii e lelei tele le Ta piano ma ua alualu foi I luma le lelei o lana ili ile Euphonium. Ua faaipoipo atu ia Patricia Savaiinaea o Salailua Lava ma ua faamanuiaina ile fanau e toa 3. Ua 6 nei tausaga o lana tautua ile Matagaluega o Leoleo. Ole Tua'ā ole susuga ia Vevesi o Tuatō Soia lea e faapea e lauiloa I lona afiga ile lelei ole Aganuu ua faapena foi ona soo iai lona atalii nei o Vevesi. Ua moni ai le upu faasamoa, e soo a le moa sope ile moa sope.
12. CONSTABLE- **Britannia Viliamu**- O se tane mai Afega e le'I faaipoipo. Ua 3 nei tausaga o lana auunaga ae ua vaaia le vave ma le alualu I luma o lana faatinoga e ala I lana pu oloo faaogaina nei ole Bass. O lona Tua'a ia Viliamu sa ile Faaila a Afega I tausaga ua mavae lea foi sa faafoeina le galuega avepasi mo Pasi ole Vaa I Mulifanua. O Britannia ose Alii Leoleo tumu ile faaloalo ona uiga ma le usiusita'i. Amuia se tamaitai e n ate filifilia o ia e fai ma na tautooga.
13. WOMAN/CONST.- **Laumata Meaalofa Ikenasio**- Ose Tamaitai mai le afiga o Solosolo, Patamea I Savaii. Faaipoipo atu ia leti le alo o Tago Uuna leti ma Ta'ena o Safotu. Ua faamanuiaina ile fanau e toa 2. O le tamaitai ia Laumata ua lauiloa I ana fatuga o Pese faasamoa ma le faaperetania o loo tele ina faasalalauina I Leitio faasalalau I Samoa talitonu o loo faapena foi I Ausetalia nei. O ia foi o se ulua'I Tamaitai ua ia Taitaiina le Faaila a Leoleo (Drummajor) ile sisigafua a le atunuu na sei mae'a atu nei ae faato'a 5 Tausaga talu ona ulufale mai ile Faaila a Leoleo.
14. WOMAN/CONST.- **Christina Poluleuligaga**- Ose Tamaitai e le tau faailoaina le afiga e sau ai aua ua silafia uma le Tala ile tama o Poluleuligaga ma lona laveaina o Samoa mai le sau o lona Tama lea sa auuai ma Tali lana sua I tagata o Samoa. E lei faiaiga le Tamaitai ae atonu o le malaga lenei ole a manuia ai le sailiga a lenei Tamaitai. Ose Tamaitai e

fiafia tele I Tala faaletusipaia ma Faatalaleleiga ile Ekalesia Katoliko I Samoa. Na filifilia foi ile malaga a Tupulaga Talavou a lea lava Ekalesia lea na malaga mai I Ausetalia ile tausaga e 2007.

15. WOMAN/CONST.- **Emme Eteru**- Ose Tamaitai mai le afioga o Asau, Faga I Savaii. E lei faiaiga foi o ia. Ole alo faasino ile susuga ia Eteru Eteru lea foi ua logologoa lona suafa ile taleni ole Pese. Ole Tamaitai ia Emme sa manumalo ile tauvaga ole sailiga o se Fetu a Samoa I Tauvaga Pese ile Tausaga 2014 (Samoa Star Search). O loo faapena foi ona alumia ana Lipine pese na pueina lava ina ua maea lea tauvaga ma saga faalauiloa atu ai lava lana taleni. Ua 5 nei tausaga o lana auaunaga ile Faaili a Leoleo. O I laua ma le Tamaitai ia Laumata oloo Pepese nei ile Faaili Kitara a Leoleo I Samoa.
16. CONSTABLE- **Afoa Afa**- E sau mai le afioga o Leauvaa ma Falelatai. Oia ose Talavou ua vaaia le alualu I luma o le lelei o lana taleni Musika aemaise ile iliina ole Putoso poo le Trombone. Ua faaipoipo atu ia Siniva le alo Seloti ma Faoa o Nono'a Saleimoa ma ua faamanuiaina ise fanau e to'a 2.
17. CONSTABLE- **Carmen Tausili**- Ose Talavou mai le afioga o Palisi I Apia, Leauvaa, Utualii & Falelatai. Ua faaipoipo atu ia Tekauita ose alo faasino ia Mataafa Motuga ma le tina ia Fiapule o Lufilufi ma ua iai le fanau e to'a 3. O Carmen, ose tagata talenia tele ile mea tau musika aemaise ile Piano. O loo faafiafia foi o ia ile Faaili a le RSA ile Taulaga pe a manava mai le galuega. O se faipese foi ile tele o Aulotu ole Ekalesia Katoliko I Samoa. O le sogasoga ma le Filiga o lenei alo ole atunuu I lana taleni ua atagia ai le maualuga o lona tomai ile faaaogaina ole Piano e teu ai se pu'egapese ua maea ona faia. E le o se tagata e tautala soo ae avea lona filemu ma ala e n ate aoaoina mai ai le tele o mea aoga e faaaoga I lana taleni.